



Broj: 11-16.6-3460-5-2/16  
Datum: 06.09.2016. godine

Na osnovu člana 64. stav (1) tačka a), člana 70. stav (1), (3) i (6) Zakona o javnim nabavkama („Službeni glasnik Bosne i Hercegovine“, broj 39/14), a na preporuku Komisije za javnu nabavku u skladu sa Zapisnikom o radu komisije broj: 11-16.6-3460-4/16 od 02.09.2016. godine, u otvorenom postupku javne nabavke roba: ~~Dizel gorivo prema BAS EN 590, Benzin BMB 95 bezolovni prema BAS EN 228 i Lož ulje ekstra lako prema BAS 1002, v.d. direktor Agencije za lijekove i medicinska sredstva Bosne i Hercegovine, d o n o s i~~

**ODLUKU**  
**o izboru najpovoljnijeg ponuđača**

1. Prihvata se preporuka Komisije za javnu nabavku u skladu sa Zapisnikom o radu komisije broj: 11-16.6-3460-4/16 od 02.09.2016. godine, te se Okvirni sporazum za javnu nabavku roba za **LOT 2- Lož ulje ekstra lako prema BAS 1002, dodjeljuje ponuđaču „Hifa Petrol“ d.o.o., Hotonj bb., 71320 Vogošća –Sarajevo, JIB 4200999090005**, za ponudu bez PDV-a u iznosu od **26.628,00 KM, sa PDV-om 31.154,76 KM**, kao najbolje ocijenjenom ponuđaču.
2. Prijedlog Okvirnog sporazuma o nabavci dostavit će se na potpis izabranom ponuđaču „Hifa Petrol“ d.o.o., Hotonj bb., 71320 Vogošća –Sarajevo, po proteku roka od 15 dana, računajući od dana kada je ponuđač obaviješten o izboru najpovoljnije ponude i po predhodno pribavljenom mišljenju Pravobranilaštva Bosne i Hercegovine.
3. Za izvršenje ove odluke zadužuje se Sektor za pravne i opšte poslove i Sektor za finansijske poslove.
4. Ova odluka objavit će se na web-stranici [www.almbih.gov.ba](http://www.almbih.gov.ba), istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.
5. Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama, zajedno sa Zapisnikom o ocjeni ponuda u skladu sa članom 65. stav (2) Zakona o javnim nabavkama.

**O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: 11-16.6-3460-1/16 od 12.07.2016. godine.

Javna nabavka je provedena putem otvorenog postupka.

Procijenjena vrijednost javne nabavke roba za LOT 2- Lož ulje ekstra lako prema BAS 1002, iznosila je 50.000 KM bez PDV-a.

Postupak nabavke je objavljen u Informacionom sistemu „e-nabavke“ Agencije za javne nabavke BiH dana 14.07.2016. godine, obavještenje o nabavci broj: 5-1-1-141-3-54/16, a dodatno obavještenje je objavljeno u „Službenom glasniku BiH“, broj 53 od 22.07.2016 godine.

Ispravka Tenderske dokumentacije u Informativnom sistemu „e-nabavke“ Agencije za javne nabavke BiH, objavljena je u dva navrata 19.07.2016. godine i 03.08.2016. godine kojom je prilikom rok za dostavu i otvaranje ponuda u skladu sa članom 53. stav 6. Zakona o javnim nabavkama pomjeren za po sedam dana, na 19.08. 2016. godine, odnosno na 26.08.2016. godine.

Iz Informativnom sistemu „e-nabavke“ Agencije za javne nabavke BiH, Tendersku dokumentaciju su preuzeli slijedeći ponuđači:

1. Petrol BH OIL COMPANY d.o.o. Sarajevo	4200056290005	14.7.2016.
2. G-Petrol d.o.o. Sarajevo	4209277550009	14.7.2016.
3. Infostrim d.o.o.	109040320	14.7.2016.
4. BBS Europe	4403188520008	14.7.2016.
5. SUPER-PETROL-DOO-BANJALUKA	4401153740002	15.7.2016.
6. Nestro Petrol a.d. Banja Luka	4400959260004	15.7.2016.
7. BTG d.o.o. Tomislavgrad	4281126610002	15.7.2016.
8. HIFA D.O.O. TEŠANJ	4218015000007	15.7.2016.
9. GREEN OIL D.O.O.	4200851420006	15.7.2016.
10. HIFA PETROL D.O.O. SARAJEVO	4200999090005	16.7.2016.
11. Nevistić Commerce d.o.o. export-import Tomislavgrad	4281037430009	16.7.2016.
12. KRAJINAPETROL AD BANJA LUKA	4400926330007	28.7.2016.
13. HOLDINA DOO	4200068200001	28.7.2016.

Rok za dostavljanje ponuda po drugoj izmjeni tenderske dokumentacije bio je do 26.08.2016. god. do 13:00 sati.

Komisija za javne nabavke imenovana je Odlukom broj: 11-16.6-3460-2/16 od 12.07.2016. godine. Ista je u skladu sa članom 63. Zakona o javnim nabavkama i članom 9. stav 2. Poslovnika o radu komisije broj: 11-16.6-3460-2-1/16 od 26.08.2016. godine izvršila otvaranje uredno zapakovanih i u roku pristiglih ponuda za javnu nabavku roba za LOT 2- Lož ulje ekstra lako prema BAS 1002, dana 26.08.2016. godine u 13:30 sati, u prostorijama Agencije za lijekove i medicinska sredstva Bosne i Hercegovine u Banjaluci, te u Zapisniku sa otvaranja ponuda konstatovala da su ponude dostavili slijedeći ponuđači i to :

LOT 2- Lož ulje ekstra lako prema BAS 1002

1. „Hifa Petrol“ d.o.o., Hotonj bb., 71320 Vogošća -Sarajevo, JIB 4200999090005, cijena ponude 31.108,00 KM bez PDV-a ( 26.628,00 KM bez PDV-a sa popustom od 0,16 KM/ lit) i rokom isporuke 1 dan.
2. „BTG“ d.o.o., Kolo bb. 80240 Tomislavgrad, JIB 4281126610002, cijena ponude 27.440,00 KM bez PDV-a ( nema popusta) i rokom isporuke od 1 dan.
3. „Nestro Petrol“ a.d., Kralja Alfonsa XIII br. 9. 78000 Banja Luka, JIB 4400959260004, cijena ponude 30.184,00 KM bez PDV-a ( nema popusta) i rokom isporuke od 1 dan.

Na javnom otvaranju ponuda nije prisustvovao niko od strane ponuđača i drugih zainteresovanih lica.

Komisija za javnu nabavku dostavila je dana 05.09.2016. godine Zapisnik o radu komisije i ocjenu ponuda broj: 11-16.6-3460-4/15 od 02.09.2016. godine, koji je ujedno i izvještaj o radu Komisije. U Zapisniku o radu komisije se nalazi i izvještaj o ocjeni ponuda sa preporukom o izboru najpovoljnijeg ponuđača.

U istom je navedeno, da je Komisija u daljem radu na zatvorenoj sjednici dana 29.08.2016. godine, pristupila pregledu i analizi dokumentacije priložene uz ponudue ponuđača u smislu provjere njene validnosti, obzirom na iskazane kvalifikacione i ostale zahtjeve Ugovornog organa u Tenderskoj dokumentaciji u otvorenom postupku javne nabavke roba, te na osnovu istog konstatovala sledeće:

U ponudi ponuđača „ Nestro Petrol “ a.d. Kralja Alfonsa XIII br. 9, Banja Luka za LOT 2- Lož ulje ekstra lako prema BAS 1002, prilikom pregleda i analiza dokumentacije priložene uz ponudu, u smislu provjere njene validnosti, obzirom na iskazane kvalifikacione zahtjeve Ugovornog organa u Tenderskoj dokumentaciji, a u skladu sa procedurama i pravilima utvrđenim Tenderskom

dokumentacijom i Zakonom o javnim nabavkama BiH, odnosno pripadajućim podzakonskim aktima, Komisija je utvrdila da u istoj nedostaje **dokaz o registraciji skladišta za lož ulje izdato od strane Uprave za indirektno oporezivanje BiH, shodno Zakonu o akcizama BiH ( „Službeni glasnik BiH“, broj 50/09) koji se tačkom 13.2 Tenderske dokumentacije zahtijevao kao dokaz za ocjenu tehničke i profesionalne sposobnosti dobavljača za LOT 2- Lož ulje ekstra lako BAS 1002 pod 2).**

Komisija je je **jednoglasno** zauzela stav da se ponuda ponuđača „Nestro Petrol “ a.d. Kralja Alfonsa XIII br. 9, Banja Luka za javnu nabavku roba: LOT 2- Lož ulje ekstra lako prema BAS 1002, odbaci kao **tehnički nekompletnu u skladu sa članom 68 stav 1 Zakona o javnim nabavkama, obzirom da ponuđač nije dostavio sve tražene dokaze za ocjenu tehničke i profesionalne sposobnosti ponuđača.**

Isto tako Komisija je kod ovog ponuđača uočila i **određenu nejasnoću** u vezi cijene na dan objavljivanja lož ulja, obzirom da je na stranici 77 svoje ponude dala izjavu da je za LOT 2 ponudena cijena je po nabavnom cjenovniku važećem na dan objavljivanja Obavještenja, na stranici 87 ponude je cjenovnik Optima grupe sa MPC za lož ulje ekstra lako BAS 1002 u iznosu od 1,22 KM/lit od koje nabavljaju lož ulje, a u obrascu za cijenu ponude unesena je jedinična cijena bez PDV-a ( uključujući i dostavu franko skladište Naručioca) 1,078 KM, a kada se cijena od 1,22 KM sa PDV-om prevede na cijenu bez PDV-a dobije se iznos od 1,0427 KM/lit što je različito od cijene iskazane u Obrascu za cijenu ponude, ali Komisija nije tražila pojašnjenje od ponuđača, obzirom da je zbog gore navedenog nedostatka odbacila ponudu ovog ponuđača.

Komisija je isto tako izvršila provjeru validnosti OPC obrazaca za ponudu ponuđača „Hifa Petrol“ d.o.o. Vogošća – Sarajevo kod Federalnog ministarstva trgovine, Mostar, od koje je aktom broj: 06-17-1079-OC/16 od 01.09.2016. godine dobila odgovor da su maloprodajne cijene za lož ulje ekstra lako , LUEL BAS 1002 za tražene datume za prodajno mjesto Mostar, Radoč bb., **validne.**

Nakon gore konstatovanog Komisija je utvrdila da ponude ponuđača „Hifa Petrol“ d.o.o. Vogošća – Sarajevo i „BTG“ d.o.o., Tomislavgrad, ispunjavaju sve formalno pravne uslove zahtjevane u tenderskoj dokumentaciji, te je pristupila vrednovanju istih ponuda, odnosno utvrđivanje broja bodova na osnovu kriterija **ekonomski najpovoljnije ponude:**

#### LOT 2- Lož ulje ekstra lako prema BAS 1002

Re d. br.	Ponudač	Vrijednost bez PDV-a i bez popusta	Popust bez PDV-a	Vrijednost ponude bez PDV-a sa popustom	Vrijednost ponude umanjene za preferencijalni faktor od 15% (samo u svrhu poređenja ponuda)	Bodovi za cijenu ( 99% )	Rok isporu ke	Bodov i za rok isporu ke (1% )	Ukupno bodovi
1.	„ Hifa Petrol., d.o.o. Vogošća - Sarajevo	31.108,00	0,16 KM / lit 4.480,00 KM	26.628,00	22.633,80	99,00	1 dan	1,00	100,00
2.	„BTG“ d.o.o. Tomislavgrad	27.440,00	nema	27.440,00	23.324,00	96,07	1 dan	1,00	97,07

Komisija je predložila Ugovornom organu da u otvorenom postupku javne nabavke roba za **za LOT 2- Lož ulje ekstra lako prema BAS 1002**, na osnovu kriterija ekonomski najpovoljnije tehnički zadovoljavajuće ponude iz člana 64. stav (1) pod a), u skladu sa članom 69. stav (1) pod a) i člana 70. stav (1) Zakona o javnim nabavkama, postupak javne nabavke okonča donošenjem Odluke o izboru najpovoljnijeg ponuđača i zaključivanjem Okvirnog sporazuma na 24 mjeseca sa ponuđačem „Hifa

**Petrol“ d.o.o., Hotonj bb., 71320 Vogošća –Sarajevo, JIB 4200999090005, za ponudu u iznosu od 26.628,00 KM bez PDV-a / 31.154,76 KM sa PDV-om.**

U postupku donošenja ove odluke, posebno su cijunjene činjenice da je Komisija za javne nabavke, pravilno i potpuno, izvršila ocjenu kvalifikovanosti ponuđača i ostalih zahtjeva Ugovornog organa, te ocjenu prispjele ponude, shodno kriterijima i zahtjevima iz Tenderske dokumentacije.

U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i Tenderskom dokumentacijom.


Iz navedenih razloga, primjenom člana 64. stav (1) tačka a) Zakona o javnim nabavkama, odlučeno je kao u dispozitivu.

#### **POUKA O PRAVNOM LIJEKU:**

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

#### **Dostaviti:**

1. Ponuđačima,
2. Komisiji za javne nabavke,
3. Sektoru za pravne i opšte poslove,
4. Sektoru za finansijske poslove,
5. web-stranica,
6. a/a



**Y.D. DIREKTOR**

dr. Aleksandar Zolak

Veljka Mladenovića bb, 78000 Banja Luka  
Centrala: +387 51 456 040; 456 050  
Fax: +387 51 450 30  
E-mail: info@almbih.gov.ba  
[www.almbih.gov.ba](http://www.almbih.gov.ba)

Велъка Млађеновића бб, 78000 Бања Лука  
Централа: +387 51 456 040; 456 050  
Факс: +387 51 450 30  
E-mail: info@almbih.gov.ba  
[www.almbih.gov.ba](http://www.almbih.gov.ba)